

枝江縣志卷之十九

列女志

下

節婦

安人淡氏千總吳世英妻年二十九夫亡遺子映嵩夫
兄世德亦亡嫂李氏年二十九無子同撫映嵩娶媳
曹氏生孫承軾嵩復亡曹年十八苦節誓守孝姑教
子人稱一門三節淡卒年八十三李卒年六十曹現
年七十承軾以議叙授六品職銜

萬氏吳承忠妻年二十八夫亡礪節教子有方現年七

枝江縣志

卷之十九

列女志下

一

十五

孫氏李國忠妻年二十八夫亡立姪爲嗣安貧苦守存
年七十八

張氏李文泮妻年二十六夫亡家貧苦守翁姑旋逝竭
力殯葬撫子成立卒年五十五

陳氏吳世棟妻年二十夫亡善事翁姑撫子成立卒年
四十八

尤氏黃士材妻年二十八夫亡無子疊遭水災飢寒交
迫勤女工孝翁姑卒年七十三

龔氏楊友信妻年二十七夫亡苦節世居市擇鄰教子
典物置田卜移東鄉躬親桑麻俾子業儒存年五十
八

李氏袁中立妻李宗善女年二十一子光鈞甫週歲夫
外貿病故氏矢志堅貞事姑撫子克盡孝慈卒年七
十九

曹氏楊友純妻年二十四夫亡無子甘貧苦守族有迎
以養者自甘藜藿不就存年六十九

張氏陳正嗣

縣案作嗣
探訪作池

妻年二十三夫亡家貧無嗣依

枝江縣志

卷之十九

列女志下

二

母家苦守現年五十八

蕭氏陳作梅妻年三十夫亡苦節事親撫嗣以孝慈聞
卒年七十五學憲馮獎額

金氏王承瑤妻年二十六夫亡毀妝誓守撫姪成立存
年五十

王氏熊楚鼎妻年二十六夫亡矢志艱守事孀姑三撫
孤開曉入成均現年六十一學憲馮獎額

李氏羅必璋妻年二十四夫亡僅一女攜歸母家苦守
嘗閉戶作女工親族罕見其面存年五十二

周氏裴宗堦妻年二十一夫亡撫孤事翁姑以孝嗜施與於貧乏必量力相助嘗豐年減租田戶多頌之現年六十三子士价光祿寺署正銜

陳氏增生楊常健妻年三十夫亡事孀姑和妯娌教子極嚴自塾歸親爲課讀子孫均列庠序卒年六十四
晁氏趙學康妻年二十六夫亡孝姑撫嗣隄潰田廢饗飧不繼氏勤紡績以供現年六十一

趙氏龔祖崙妻廩生璧光女年二十二夫亡孝事繼姑姑多疾侍湯藥不辭勞瘁勤儉自持撫嗣成立存年

枝江縣志

卷之十九

列女志下

三

六十二

李氏張永鳳妻年二十四夫亡家貧敬事舅姑撫子成立卒年五十五

王氏官學詩妻年二十一夫亡守節孝事庭幃卒年六十一

胡氏官天位妻年二十三夫亡苦守立姪爲嗣存年六十

呂氏周士珍妻年二十五夫亡守節撫子周福周榮成立孝舅姑卒年七十三

王氏馬大受妻年二十八夫亡誓志守貞事翁姑以孝
聞現年七十二

以上撫憲胡採訪咸豐十一年奉文

旌

孺人曾氏從九龍泰然妻年二十一夫亡守節事翁姑
始終勤慎遺孤善言甫三歲氏教以義方有過必懲
以迄成立子沒媳林氏克盡婦道一體姑訓曲意承
歡孫曾蕃衍多列膠庠五世同堂卒年八十五

閩氏儒童梁家泰妻年二十六夫亡守節教子士材嚴

枝江縣志

卷之十九

列女志下

四

慈兼盡後入成均今其子孫繁殖節孝所致卒年六
十四學憲王獎額

曹氏常先勤妻年二十四夫亡守節事翁姑以孝課子
鳳鳴不涉姑息入邑庠存年七十五學憲王獎額

李氏黃士棫妻年二十一夫亡甘貧苦守有諷令改適
者氏投河自誓現年八十二學憲王獎額

甘氏滕德著妻年二十四夫亡子女嗷嗷苦節不渝現
年五十九

何氏監生周嗣武妻年二十九夫亡誓守不易卒年七

十一子家椿妻何氏年二十家椿亦亡與姑同守現年五十一

張氏黃大鵬妻年十九夫亡矢志守節孝翁姑翁沒姑瞽居貧一切養葬之資竭力爲之現年五十三

閻氏儒童胡之佐妻年二十三夫亡家貧無子誓不再適紡績爲生年逾六十族黨憐其老爲助遺之撫姪孫以嗣卒年七十八

楊氏儒童胡金蘭妻年二十六夫應試病故氏悲不欲生因翁姑無依弱女在抱撫姪爲嗣現年六十八

枝江縣志

卷之十九

列女志下

五

陳氏監生何大濬妻年二十三夫亡守節言動謹嚴處孀幃非至親不見現年六十

以上同治元年奉文

旌

內何氏周嗣武妻下連書何氏家椿妻與姑同守此待旌者

李氏儒童吳家元妻年二十四夫亡貧苦守節現年五十三同治四年奉文

旌

黃氏邑增生張志繕妻年十七于歸事翁姑盡孝志繕於道光十年身故氏年三十矢志守節立姪克煦爲

嗣教養成人爲之完娶今有孫三沒於咸豐四年年
五十四同治五年奏請

旌表

杜氏張志繕妾年十六適志繕爲妾生一女志繕沒氏
年十八與嫡室黃同撫嗣成立現年五十四同治五
年彙奏請

旌

以上由部奏請

旌表

枝江縣志

卷之十九

列女志下

六

胡氏楊敷綸妻年二十二夫亡立夫兄庠生叙綸子常
佑爲嗣入邑庠卒年五十七學憲王獎額

王氏庠生楊敬綸妻年二十九夫亡守節仰事俯畜孝
慈兼盡長常健入邑庠次常儀從九職存年七十四
學憲王獎額

裴氏庠生楊燦綸妻年三十夫亡子常仕甫二齡遺腹
子常保撫孤苦守俱入邑庠存年五十九學憲王獎
額

孺人周氏州吏目銜胡天衢妻年二十八夫亡遺子三

甘貧撫孤嚴慈兼盡子家鏡從九職克振家聲卒年七十六撫憲胡獎額

孺人胡氏徵仕郎張懋妻年二十五夫亡事姑孝有子三長一芝附貢生任棗陽訓導武昌教授次一鳴以子元佩孝感縣訓導貶贈修職郎三一鵬從九職家聲克振得力母訓爲多卒年七十二撫憲胡獎額

詹氏庠生歐陽岑山妻年二十四夫亡無子立姪光海爲嗣教養克盡卒年五十四據採訪冊作道光二十年旌

董氏儒童袁致恒妻年二十六夫亡遺二女氏奉翁姑

枝江縣志

卷之十九

列女志下

七

撫女紡績治家女嫁氏朝夕伴姑不離跬步卒年六

十三同上

安人馬氏承德郎鄒輝遠妻年十八夫亡無子撫姪子

善成立援例授主事職現年七十四同上

徐氏監生姚德智妻年二十七夫亡撫孤志璠志瑛義方垂訓縣令謝獎以荻影霜清額現年九十四

董氏周祖鼇妻年二十一夫亡勵志貞守撫嗣子慈事舅姑孝卒年六十一撫口胡獎額

周氏黃宗文妻年二十五夫亡撫子大珩娶媳陳氏相

繼亡撫穉孫培之入庠食餼卒年八十五學憲賈獎
以松貞鶴壽額撫憲胡重獎

張氏鮑一清妻年二十一夫亡勤女紅以事姑現年五
十六撫憲胡獎額

張氏左曙明妻年二十四夫亡事姑孝謹撫孤德馨入
庠現年六十七學憲馮獎額撫憲胡重獎

郭氏敖長義妻年十八夫亡翁姑早逝夫弟三俱幼氏
撫育成立立堂姪爲嗣現年五十撫憲胡獎額

屈氏張楷妻年二十八夫亡甘貧撫孤事姑盡孝卒年
枝江縣志

卷之十九

列女志下

八

八十六撫憲胡獎額

王氏鍾文瑞妻年二十一夫亡守貞寡言笑織紵自給
卒年七十五撫憲胡獎額

呂氏張繼安妻年二十五夫亡撫孤叙發成立孝事翁
姑現年六十八撫憲嚴獎松柏凌寒額撫憲胡重獎

胡氏唐萬精妻附貢生胡景泉女年十九夫亡立姪爲
嗣已娶婦子婦雙亡遺一穉孫氏又撫之現年七十
二學憲馮獎松柏長春額撫憲胡重獎

袁氏胡秀山妻年二十夫亡無子立姪庚垣爲嗣爲邑

增生以孝友聞皆氏義方之教所致卒年五十一學
憲馮獎矢志完貞額撫憲胡重獎

畢氏馮朝榮妻年二十八夫亡矢志苦節撫子秀林負
笈從師有聲庠序卒年六十六學憲馮獎貞松慈竹
額

恭人楊氏昭武都尉曹中陶妻庠生友馨女年二十六
夫亡矢志苦守翁亦相繼沒祖姑九十九歲終喪葬
事氏一身肩之姑亡亦如之子立全由軍功任都閩
氏現年七十八學憲馮以節媿長松獎之撫憲胡重

枝江縣志

卷之十九

列女志下

九

獎

鄭氏儒童熊永湘妻年二十四夫亡無子矢志守節事
孀姑張奉養維謹姑現年八十三氏現年五十四撫
憲胡獎額

笱氏龍廷華妻年二十三夫亡遺二女立姪國魁子爲
嗣孫現年七十二撫憲胡獎額

黃氏朱江妻年二十二夫亡立姪秉和爲嗣孝舅姑和
姒娣五世同居無間迭遭水火幸無恙卒年七十六
學憲王給清節揚徽額

朱氏翟廷瑞妻年二十七夫亡守節始終不渝卒年五十九學憲王獎以清節揚徽額

王氏龔賢妻年二十八夫亡矢志守節卒年六十學憲

王獎以節孝可風額

黃氏以下三節婦舊志未獎今呈報獎者

孺人江氏從九職王兆鳳妻年十八夫亡僅一女撫姪

德烜爲嗣入成均寒微多被其惠現年七十同治三年申府奉督撫批會核彙題

曹氏官德恒妻年二十五夫亡守節撫子現年五十七同治三年申報奉督撫批會核彙題

枝江縣志

卷之十九

列女志下

十

宜人左氏州同歐陽組妻年二十一夫亡矢志守貞立歐陽淋子爲嗣現年六十咸豐十一年申府轉詳
左氏張士瑄妻年二十八夫亡守節勤儉持家鄰里稱賢現年六十三咸豐十年申府轉詳

張氏郭大柄妻年二十一夫亡苦守奉姑撫子姑痛臂數年氏侍湯藥維謹孝聞鄉里卒年三十四咸豐十年申府轉詳

敖氏鍾應岱妻年二十四夫亡家貧事孀姑撫幼子紡績以給饗飧現年五十三咸豐十年結報

鍾氏王開泰妻年二十五夫亡孝姑撫嗣好善樂施捐
文昌宮廟基前令謝以淑貞義施額其門卒年五十
五咸豐十年申府轉詳

朱氏張鉉妻年二十四夫亡子一女一撫孤成立貧苦
守節卒年六十六咸豐十年由縣結報

趙氏曹楚玉妻年二十三夫亡守節立姪中嗣爲嗣卒
年八十學憲吳獎以松柏節操額

唐氏儒童裴宗秀妻年二十四夫亡守節撫姪士光入
成均卒年六十七學憲朱獎額

枝江縣志

卷之十九

列女志下

十一

楊氏儒童胡承祖妻年二十五夫亡守節卒年九十二
學憲朱獎以勁節遐齡額

李氏儒童楊家齊妻年二十二夫亡守節撫子修發援
例授從九職前令鍾獎以深明節義額現年五十五
周氏龔齊賢妻年二十七夫亡守節卒年八十學憲楊
給貞壽流徽額

以上已旌獎節婦內有據採訪呈報者案卷散佚
年甲無稽今併錄之

陳氏儒童李如蟠妻歲貢生陳俊女年二十三夫亡守

節子二一遺腹生撫之成立卒年八十三今後嗣蕃

衍多列膠庠

康熙時人舊志佚今補

涂氏洪起珖妻年十六夫亡遺腹生子福太苦守現年六十四

楊氏朱有武妻童養於朱年十六婚配二十六日夫亡遺腹生子子敬苦守現年五十九

向氏江煒妻年十八歸江八月夫亡立夫從子於襁褓以飴代乳撫養成立卒年七十一

王氏閻之培妻年十八夫亡撫遺腹子開忻年四十亦

枝江縣志

卷之十九

列女志下

十二

亡氏紡績度日現年七十一

錢氏許之道妻錢昌達女年十八夫亡遺腹生子永貴撫養成立貴又亡撫孫士達始終苦守現年六十九

袁氏賀正運妻年十八夫亡撫子之渭成立艱苦備嘗卒年六十八

羅氏余維信妻年十九夫亡子生甫三月撫孤成立事九旬姑以孝聞現年五十九

田氏李光明妻年十九夫亡遺一子撫孤兼撫幼弟矢志苦守現年五十五

李氏儒童阮光暉妻年十九夫亡立姪德寬爲嗣娶媳
李氏年二十一寬又亡遺腹生子行端姑媳同守今
姑年踰七十媳年踰五十

張氏彭汰妻年二十夫外亡遺一子誓守卒年六十二
羅氏楊佺妻年二十夫亡子維璲甫五月撫孤成立卒
年八十三

張氏冉玉珍妻年二十夫亡守節現年四十五

梅氏馬中鈞妻年二十夫亡子至浚生甫七日矢志守
節事祖姑及舅姑曲盡婦道現年四十四

枝江縣志

卷之十九

列女志下

十三

萬氏胡德烺妻庠生萬青選之女年二十夫亡撫子體
堯子亡撫孫親仁成立卒年六十一

尤氏儒童鮮于大溶妻年二十一夫亡立姪爲嗣苦守
卒年五十四

裴氏詹學大妻年二十一夫亡守節立姪之科爲嗣撫
之成立入邑庠現年六十五

楊氏曹立體妻年二十一夫亡守節水災頻仍織紵度
日撫二子成立現年五十三

余氏鄒映岱妾年二十一夫亡守節撫子二一歿一子

善出繼輝遠爲嗣矢志貞守現年六十五

劉氏李永愷妻年二十一夫亡守節撫孤成立現年五十

閩氏儒童李之玉繼室監生閩治女年二十二夫亡守節長子鑑元前出次錞元遺腹生氏家貧苦守事姑撫子孝慈兼盡現年五十三

鄒氏楊有德妻年二十二夫亡守節子開福甫一歲氏勤勞教養現年六十二

尤氏張元珩妻年二十二夫亡守節僅一女撫姪繼塏枝江縣志

卷之十九

列女志下

十四

爲嗣娶媳周氏年二十八繼塏亡與姑同守紡績爲生姑卒年六十八媳現年五十二

唐氏淡尙辭妻年二十二夫亡守節子一頻罹水災撫之成立現年四十七

劉氏儒童胡之儵妻年二十二夫亡守節有孤金簡甫二齡撫之成立卒年五十

周氏儒童李康妻年二十二夫亡守節子正義甫九月辛苦撫之卒年七十四

尤氏張必朗妻年二十二歸張八月夫亡承祧無人乃

稟姑變產爲堂兄娶妾一索得男立爲嗣撫養如己
出姑病九載扶持無倦意現年五十四

尤氏劉正義妻年二十二夫亡守節撫子志瑄成立卒
年八十七

鄒氏趙詠妻年二十二夫亡苦守性嚴毅寡色笑堅貞
不易卒年七十二

鄧氏江起信妻年二十二夫亡苦節現年七十一
周氏沈大聰妻年二十二夫亡撫三子洪翰入邑庠洪
勳入武庠洪春從九職現年五十三

枝江縣志

卷之十九

列女志下

十五

李氏張大賓妻年二十二夫亡無子夫弟幼穉撫之成
立冀延後嗣現年五十二

胡氏彭元福妻年二十二夫亡守節撫孤課耕讀勤勞
倍至卒年七十二子永祿妻譚氏年二十四永祿亡
撫孤承前現年八十八

陳氏朱桂傳妻年二十二夫外貿旋亡於川氏紡績傭
工撫子先魁成立現年七十四

閻氏李光柄妻年二十三夫亡守節撫週歲子紡績度
日卒年六十六

王氏杜在榮妻年二十三夫亡守節撫一子一女苦節四十餘年足不及梱外禮寡婦不夜哭每就枕淚暗下濕枕枕濕輒壞壞卽補不計補痕數臨終囑後人納諸棺以明從一而終之死靡他之意

曹氏武政孝妻年二十三夫亡撫遺腹子矢志堅守卒年四十七

孫氏王應階妻年二十三夫亡於外孝事病姑礪志苦守現年五十一

孔氏周大典妻年二十三夫亡立姪爲嗣苦守靡他卒

枝江縣志

卷之十九

列女志下

十六

年七十八

張氏李啓金妻年二十三夫亡家貧守節堅貞撫子一女一卒年六十四

黃氏胡與珍妻年二十三夫亡有子二甘貧守節卒年五十四

胡氏黃宗泌妻年二十三夫亡守節事翁姑撫孤子現年五十八

黃氏何大瑤妻年二十三夫亡艱辛撫孤現年六十三其同懷弟大璞妻黃氏年二十二璞亡守貞針黹度

日現年六十二

黃氏王秉禮妻年二十三夫亡守節撫孤正綺入成均
卒年三十九

錢氏劉煥妻年二十三夫亡苦志守貞卒年七十二
尹氏金有德妻年二十四夫亡遺子二勵志苦守教以
耕讀卒年八十二

彭氏涂傳慶妻年二十四夫亡僅一女矢志貞守立姪
之誥子萬長爲嗣孫卒年七十

何氏淡傳厚妻年二十四夫亡僅一女堅貞苦守卒年

枝江縣志

卷之十九

列女志下

十七

四十六

胡氏傅宇安妻年二十四夫亡子大榮甫二歲艱苦守
節撫子成立現年六十一

楊氏馬士庸妻年二十四夫亡苦守卒年七十五

楊氏曹立忤妻年二十四夫亡僅一女事翁姑撫嗣子
卒年五十五

田氏張元芝妻年二十四夫亡遺腹生子繼先撫之娶
媳向氏年二十四繼先又亡遺腹生女姑媳共守矢
志靡他田卒年八十一向現年六十

胡氏閻鍾漱妻年二十四夫亡撫孤之桓甫三歲苦志
堅守卒年五十四

顧氏州同閻振三妾年二十四夫亡無出矢志貞守現
年七十二

葉氏黎必樑妻年二十四夫亡事親撫子堅貞自礪現
年七十一

任氏監生孫科妻年二十四夫亡子東寅甫數月守節
撫養現年五十五

張氏李之泰妻年二十四夫亡撫孤學海成立海亡無
枝江縣志

卷之十九

列女志下

十八

出立姪學魁子允昌爲嗣孫後學魁乏嗣允昌權承
兩桃卒年六十九

楊氏張永藩妻年二十四夫亡撫子正錦成立現年五
十七

田氏譚必英妻年二十五夫亡撫孤苦守卒年八十一
易氏馬大材妻年二十五夫亡遺腹生子苦節撫孤現
年五十六

臧氏張宗賢妻年二十五夫亡子永昱甫一歲氏撫育
成立昱又亡媳徐氏年二十七亦守志不二臧與徐

同撫二孫文英文源臧卒年七十七徐卒年六十八
周氏李大桂妻年二十五夫亡無嗣矢志全貞現年七
十五

楊氏鮑一浦妻年二十五夫亡無子貧不渝志現年六
十一

張氏丁應和妻年二十五夫亡苦守現年六十九

張氏袁鍾淑妻年二十五夫亡遺二子幼翁姑在堂氏
撫畜兼盡織紵佐餐雖極困不以書籍易米現年五
十三

枝江縣志

卷之十九

列女志下

十九

楊氏王崇厚妻年二十五夫亡苦節卒年七十五

王氏楊友倬妻庠生王燦三女年二十五夫亡事姑撫
子卒年七十三

廖氏監生趙漸達妻年二十五夫亡撫嗣成立苦守不
易現年六十一

王氏季錫光妻年二十五夫亡矢志奉姑立胞兄子長
昇爲嗣入成均卒年七十七

王氏楊有邵妻年二十五夫亡守貞遺一孤亦歿立姪
開緒爲嗣現年五十三

王氏監生胡正祿妾年二十五夫亡遺二女撫姪爲嗣
旋亡女亦相繼亡氏堅貞自矢卒年六十七

王氏杜良桂妻年二十五夫亡家貧矢志撫子苦守現
年六十四

鄭氏林文珍妻年二十五夫亡撫子之福之壽壽亡媳

楊氏年二十二遺子一依姑鄭同守志堅不二鄭卒
年八十七楊卒年七十五

李氏施 妻年二十五夫亡矢志苦守 年六十五

李氏儒童周廷梅妻年二十六夫亡子和興三歲有姑

枝江縣志

卷之十九

列女志下

二十

在堂仰事俯畜不易其操現年八十三

袁氏儒童鄧永康妻年二十六夫亡遺腹生子撫育成

立現年五十二

周氏涂傳慰妻年二十六夫亡撫孤之遠現年六十五

左氏董壽妻年二十六夫亡誓守不二撫子大用克自

樹立卒年六十三

歐陽氏張士泰妻年二十六夫亡無嗣矢志苦守現年

七十二

趙氏周延現妻年二十六夫亡撫幼子宗先死守不易

卒年八十六

徐氏王宇立妻年二十六夫亡矢志勤苦度日卒年六十一

朱氏吳映潔妻年二十六夫亡遺子家和水災頻仍日不舉火氏志彌堅卒年四十二

薛氏笥士明妻年二十六夫亡家貧無嗣終養翁姑乃就食母家現年八十

楊氏笥一林妻年二十六夫亡撫孤卒年六十四子國

清亦陣亡

未呈報

枝江縣志

卷之十九

列女志下

二十一

費氏劉應魁妻年二十六夫亡撫孤成立卒年六十九
譚氏吳家齊妻年二十六夫亡矢志貞守卒年八十八
高氏李科紹妻年二十六夫亡苦節堅守現年七十一
黃氏楊世緒妻年二十六夫亡撫子朝福卒年八十三
紀氏田書樂妻年二十六夫亡撫孤成立現年六十一
羅氏歐陽森妻年二十六夫亡遺三女撫嗣子光謹成立現年六十一

陳氏胡肇實妻年二十六夫亡撫孤宗興成立現年六

十一

王氏羅正榜妻年二十六夫亡立姪守典爲嗣卒年七十七

鄧氏曹柄之妻年二十六夫亡守節立堂姪大鼎爲嗣孫曾蕃衍目擊五世卒年八十七

梁氏彭福瑞妻年二十六夫亡守節撫二子長漳次清卒年四十

曹氏李永鎬妻年二十六夫亡矢志苦守事舅姑曲盡色養撫子文耀不涉姑息現年七十一

劉氏周廷桂妻年二十七夫亡無嗣守志卒年五十八

枝江縣志

卷之十九

列女志下

二十二

江氏胡元義妻年二十七夫亡守節勤儉持家現年七十一

周氏鄭先溥妻年二十七夫亡遺腹生子撫養苦守卒年八十三

夏氏陳嗣然妻年二十七夫外亡氏無所依歸倚兄弟以鍼黹貲寄姑養居鄰嘗延氏爲女師現年六十八
笥氏蕭志妻年二十七夫亡苦守紡績奉姑堅持不渝
現年六十二

閻氏江日鄉妻年二十七夫亡矢志苦守卒年八十二

王氏李楨紹妻年二十七夫亡誓守弗渝現年五十三
林氏胡大渡妻年二十七夫亡礪志堅守現年五十九
周氏陳正仁妻年二十七夫亡貞守靡他現年六十六
薛氏王顯墉妻年二十七夫亡孝翁姑撫子女以禮自
持不易其志卒年三十七

劉氏孫德成妻大成之女年二十七夫亡紡績度日養
姑撫子現年七十六

孫氏監生趙學淵妻年二十八夫亡苦節教子成名廷
棟監生炳文庠生現年七十五

枝江縣志

卷之十九

列女志下

二十三

尤氏邑增生黃第元妻道光十二年朱家嘴新隄潰決
第元方援桴督工被衝斃氏年二十八茹苦含悲事
翁姑撫子女現年六十四

張氏邑廩生楊常仲妻年二十八夫亡守節撫子饗殮
十指自給現年七十六

鄧氏薛宗珩妻年二十八夫亡守節孝事孀姑卒年八
十二

裴氏鄧永訓妻年二十八夫亡誓守事姑撫子士溫成
立現年六十二

胡氏張一麟妻年二十八夫亡矢志堅貞現年七十八
趙氏張一玉妻年二十八夫亡守節撫子元昌言笑不
苟卒年五十二

王氏龔國爽妻年二十八夫亡撫孤家業蕭條志節凜
然卒年七十六

喻氏萬家鳳妻年二十八夫亡僅一子家貧苦守現年
七十六

毛氏儒童冉爲陵妻年二十八夫亡遺一子撫之成立
現年七十六

枝江縣志

卷之十九

列女志下

二十四

孺人黃氏從九職王以伸妻年二十八夫亡事翁姑生
死盡禮撫三子成立一入太學現年五十五

李氏庠生楊澤濟妻年二十八夫亡守節孝事翁姑撫
一子成立卒年七十四

覃氏周家蘭妻年二十八夫亡守節家貧事翁姑撫子
成立現年七十三

梅氏張效全妻年二十八夫亡子幼矢志貞守卒年六
十四長子先登亡遺一孫幼媳熊氏年二十九亦矢
志靡他現年五十九

胡氏萬本明妻歲貢生玉珍女年二十八夫亡遺腹生子旋天誓志苦守依母弟希仁居現年五十八

周氏閻開福妻年二十八夫亡守節撫孤啓鴻成立卒年九十三

尤氏鄢可煜妻年二十八夫亡無出苦志守貞現年七十三

李氏王秉義妻年二十八夫亡撫二孤成立現年六十
周氏曹立俊妻年二十八夫亡貧寒苦守事孀姑撫遺腹子志道成立卒年六十七

枝江縣志

卷之十九

列女志下

二十五

李氏儒童阮光照妻年二十八夫亡守節立姪德信爲嗣以節終德信妻賀氏年二十七信亡氏繼姑志撫子成立現年五十九

薛氏軍功龍惠然妻年二十八夫入川卒於外氏撫嗣子善文成立卒年八十三

胡氏田書紳妻年二十八夫亡撫孤成立現年六十七
姚氏儒童郭正明妻年二十八夫亡事姑盡婦道撫子成立卒年五十二

薛氏趙正武妻年二十八夫亡守節事親教子卒年八

十二

郭氏周昌宜妻年二十八夫亡矢志撫三歲孤貧苦自
甘現年六十一

毛氏筍一宏妻年二十八夫亡守節撫遺腹子現年六
十九

徐氏方英妻年二十八夫亡撫二子成立備歷艱辛現
年六十

艾氏鄭開憲妻年二十八夫亡撫姪成立現年五十九
劉氏王志映妻年二十八夫亡撫遺腹子後眼觀五代

枝江縣志

卷之十九

列女志下

二十六

卒年九十

李氏楊惟誨妻年二十八夫亡守節撫二子有恒有容
成立卒年四十四

方氏鄧永寬妻年二十九夫亡遺二女翁姑早喪紡績
度日卒年六十一

龔氏胡發中妻年二十九夫亡撫子廷履苦守卒年八
十七

楊氏鮑一藻妻年二十九夫亡遺一子守節撫孤成立
卒年六十三

張氏鮑一泮妻年二十九夫亡遺子二一出繼一撫之
成立現年六十

艾氏黃繼榮妻年二十九夫亡撫遺腹子艱苦備嘗卒
年九十三

艾氏周昌德妻年二十九夫亡家貧苦節現年六十六
劉氏監生裴璈妾年二十九夫亡守節撫子宗朗授都
司銜現年七十二

李氏夏志紀妻年二十九夫亡守節子女俱無貧無立
錐紡績度日卒年九十八

枝江縣志

卷之十九

列女志下

二十七

張氏高宗學妻年二十九夫亡守節事舅姑撫子萬山
子亡媳蕭氏年二十九姑媳共守撫孫成立張卒年
八十二蕭現年六十二

胡氏張元楷妻年二十九夫亡守節撫二子成立卒年
七十四

張氏武庠王化南妻年二十九夫亡守節僅一女紡績
自給現年七十八

張氏庠生王得一妻年二十九夫亡守節撫子學成及
冠而亡氏始終無異卒年五十九

李氏楊宗華妻年二十九夫亡守節撫孤厚敦現年五十二

涂氏胡兆義妻年二十九夫亡撫孤宗順苦守現年八十二

匡氏覃朝堂妻年二十九夫亡守節事姑撫子現年六十二

陳氏庠生吳宏瑛妻年二十九夫亡守節撫二子現年六十七

萬氏林正文妻年二十九夫亡守節現年六十九

枝江縣志

卷之十九

列女志下

二十八

鄧氏胡尙珠妻年二十九夫亡守貞卒年六十七

張氏邑庠生楊有定妻年二十九夫亡勤苦守節撫姪
開諭入武庠卒年七十八

沈氏趙應相妻年二十九夫亡守節撫三子成立卒年八十七

李氏儒童張元樹妻年二十九夫亡僅二女矢志苦守
現年六十一

熊氏張相虞妻年二十九夫亡誓守現年五十五

施氏楊家紳妻年二十九夫亡清操自矢鄰里無間言

現年八十

蕭氏周昌濂妻年二十九夫亡家貧撫孤卒年六十二
向氏張紹貴妻年二十九夫亡撫孤克家卒年九十三
張氏向光福妻年二十九夫亡守節撫子明道入成均

現年五十六

許氏歐陽綰妻年二十九夫亡矢志貞守現年六十一
鄧氏王德志妻年二十九夫亡貧乏撫孤現年七十一
楊氏曹澤俊妻年二十九夫亡家貧撫子苦守現年五
十

枝江縣志

卷之十九

列女志下

二十九

彭氏鄭開秀妻年二十九夫亡事舅姑訓子成立現年
五十

鄧氏薛大謙妻年二十九夫亡撫遺腹子苦守現年五
十

羅氏儒士歐陽光彬妻年三十夫亡遺子三夫弟憐其
貧諷以再醮氏指天自誓終其身未與夫弟通一語
外家雖富不答餽問勤苦自給孝翁姑撫子女冰節
凜然卒年六十八

孺人徐氏職員靳拔元妻年三十夫亡守節撫子翔萬

卒年六十一

尚氏鄭開第妻年三十夫亡守節撫子成立現年五十七

余氏增生李志國妻年三十夫亡撫子成立長安湘入邑庠現年六十

鄭氏江起純妻年三十夫亡守節撫二子成立卒年八十五

黃氏監生楊雲龍妻年三十夫亡撫子惟玘入成均卒年四十一

枝江縣志

卷之十九

列女志下

三十

姚氏楊大紱妻年三十夫亡矢志守節撫子成立卒年五十二

周氏薛大昶妻年三十夫亡守節撫二子成立現年五十六

按舊志以年長爲先少次之寡婦守節茹荼飲蘘青年尤難今首年少長次之

孝婦

國朝

馮氏孫居仁妻性至孝姑病劇割股煎湯以進病愈邑

令李毓昌獎

劉氏龔親賢妻孝翁姑姑病親事湯藥歷久不倦嘗從水拯姑於溺獲兩全學憲王獎

羅氏李志楫妻佐夫事親克盡婦道姑疾禱以身代鄉里稱之

盧氏熊開運妻夫外貿姑病氏典釵市藥月餘衣不解帶夫亡撫子成立列膠庠

張氏拔貢敖相妻姑病危割股救之愈夫病復割股以療蓋至孝性成云

枝江縣志

卷之十九

列女志下

三十一

王氏吳從德妻性孝歲饑氏積米養親自食糠糲夫病篤氏割股以療愈鄉里賢之

周氏羅銓妻姑病割股療之愈

王氏全惠中妻孝於姑徐姑病割股和藥疹之

以上孝婦載舊志者

壽婦

□□□鄧起瑤妻柔順溫惠持家勤儉現年九十歲

□世□居精神甚健

□氏周□相妻勤儉治家生子五孫十八元孫二眼觀

五代男女六十餘口氏現年七十七

按未屆百歲五世同堂者例准

旌表

例見人
物耆壽

彭氏黎必興妻性柔順勤勞佐夫積而能散每春夏水漲橋沒買舟濟涉二十餘年訂□十□子若孫將稱觴氏不可令□□□十之二曰節浪費亦可稍濟貧窮里黨有困□□□□之無□色子五長□□次定中太學生次定嶸附貢生次定昭次定秀太學生夫兄必科早逝以次子定中繼□□十二曾孫十六四

枝江縣志

卷之十九

列女志下

三十二

世一堂現年九十是壽而賢者也

陳氏武庠楊嗣元之繼室有亨之生母也嗣元亡氏年甫踰三十有亨幼弱氏撫之成立入庠娶媳熊氏生孫天有亨亦相繼亡立姪監生利行爲嗣孫能友亡氏獨力搢持今年九□有七猶食不異□行不須杖楊故清族氏遠紹近撫歸然爲一族望

張氏劉必發妻現年九十五腰足俱健齒固日明

張氏曾學梅妻現年九十二

趙氏徐述文妻現年九十

甫踰三十有享幼弱氏撫之成立入庠娶媳熊氏生孫天有亨亦繼亡立姪孫監生利行爲嗣孫熊又亡氏獨力搢持今年九十有七猶食不異糲行不須杖楊故清族氏遠紹近撫巋然爲一族望

張氏劉必發妻現年九十五腰足俱健齒固目明
張氏曾學梅妻現年九十二

趙氏徐述文妻現年九十

楊氏羅正科妻現年八十九目明腰健行不用杖

黃氏監生周愨妻現年八十八

枝江縣志

卷之十九

列女志下

三十三

艾氏王志暘妻現年八十二子二化醮必煥醮入成均

以上壽婦

烈婦

明

周氏庠生毛士鴻妻明末獻賊入蜀道經枝江士鴻被掠氏從姑匿深林得免賊去奉姑依其父家或謂氏父母曰相傳毛氏子已死年少女胡不早爲之所氏聞之厲聲曰狗彘之行也其人慚謝而去繼而士鴻歸未幾氏復爲賊掠至死不辱爲賊所殺

曹氏庠生李之喬妻崇禎末流寇至江北氏與夫俱被
執夫罵賊死氏亦遇害

國朝

楊氏庠生劉芳蘭妻順治乙酉賊掠上百里洲芳蘭被
害賊去氏斷髮投棺殮葬之賊復至氏攜二子投江
死

李氏楊日光母

國初流寇南竄所過殺掠日光與其子共扶母避亂氏
泣曰賊勢如此勢難兩全各自爲計子不忍別去母

枝江縣志

卷之十九

列女志下

三十四

怒曰汝不欲楊氏遺種耶詈之去自負幼女立江邊
賊至赴水死

周氏順治己亥進士楊毓貞妻夫婦避兵江北離散氏
爲賊掠自刎死毓貞匿林中賊去解衣裹屍瘞之
魯氏黃大仁妻嫁甫一載夫亡其父欲奪其志女自縊
死

以上舊志

曾氏鄭天珠妻順治壬辰三月初十日遇流寇於實竹
衝被擄不屈罵賊被殺

張氏鄭起華妻康熙丙申十一月初五日遇賊於賈口
坪貞烈自守罵賊被殺

汪氏吳明彥妻年二十三拒奸戕斃前令雙詳請

旌表

照訟案
錄入

趙氏陳曰環妻生員趙志涵女年二十八夫饑乏食時
氏方煮野菜有以鬻婦諷其夫者氏聞入房雉經
章氏彭昌憲妻年二十二夫亡無子立志苦守越六月
其女家以再醮微諷之氏卽於是夜投繯自盡

蕭氏曾之蘭妻年二十三夫亡遺女一子一誓志苦守

枝江縣志

卷之十九

列女志下

三十五

親屬逼嫁不從脅以行具案亦判改適是夕自縊死
按節婦被親屬逼嫁致死者

旌表如例今蕭氏被逼致死無聞志此待

旌

以上今志

貞女

金氏庠生毛瀚澄聘爲繼室未嫁瀚澄亡氏聞訃往祭
遂畱不返時姑年八十目瞽氏扶持勤瘁未嘗離左
右撫前妻子如己出閨門整肅非至親罕見其面卒

年五十一雍正十年

旌十二年入祠

婁大姑庠生婁世祚長女許字蕭士哲未嫁士哲死欲往視殮父不許將葬請往弔奠訖誓死不還以節終

鄧應蓮

見新志

曹大姑許字楊世望未婚望卒氏年十九矢志歸楊撫夫兄子友韓爲嗣膺歲貢生卒年八十五乾隆四十七年

旌

枝江縣志

卷之十九

列女志下

三十六

熊貞女郭森聘妻家貧養於郭待年而婚卜吉前一月森亡女矢志守節父憐其少促歸甯爲改字計女堅不從姑沒舅老疾女奉湯藥久無倦容戊申水決隄家人爭挈衣糧女獨捧夫靈不釋撫姪文可爲嗣勉以讀書孝友克家諸先達有詩傳表之

程四姑許字歐陽氏未笄壻亡父大榮早故母老家貧議欲別字女聞數日不食議乃寢寄居姪家現年六十弟其灝著女貞曲

以上舊志

鄧大姑派名應蓮庠生□□女許字張氏未婚張入川
病故訃音至女著素服往執喪以舅姑早亡無親可
依止閨門矢志守貞年二十四母沒父義不續娶女
事羹湯寒暑不倦勤苦紡績終身不字事父兼撫弟
姪均列膠庠學使獎懿德用彰額卒年八十七入省
志道光二十二年

旌士大夫競揚詩歌編有鄧貞女節孝錄

趙翠姑儒生趙上珍女許字龔姓歲饑龔姓子死於外
女年甫十二父母欲別字女泣誓不食依膝下終身

枝江縣志

卷之十九

列女志下

三十七

現年七十二

以上今志

烈女

明

王姑許字張維未婚維卒氏聞之躡踊號呼勺水不入
口者數日欲往弔父母不許密請於叔母曰兒卽不
往請兄爲代奠死瞑目矣從之女遂投水死

國朝

淡大姑淡公賴之女許聘張姓未婚而父故與母袁相

依康熙十四年吳逆僞官遣媒強娶女誓死不從閉門自縊葬西關外十八年知縣李毓昌爲立墓碑乾隆元年建坊四年入祠

劉又大劉君誠之女也有強暴欲汙之不從被殺有司具獄抵其人於法康熙四十四年

旌

李丙姑百里洲人幼失怙恃寄養宜邑姑父姚家性端嚴勤女工惡少姚永香窺姑獨織突入調奸姑抵死自衛大聲呼救姚逃幸未受汙姑羞甚赴水死官抵

枝江縣志

卷之十九

列女志下

三十八

其人於法以事聞乾隆四十一年

旌

鮮氏監生張鏌買妾年十八未配舟歸鏌溺死氏以身殉之

曾永大百里洲人爲強暴所逼羞憤自縊官抵其人於法以事聞

旌

以上舊志

友蟬氏曰周官媒氏掌萬民之判而伉儷肇焉夫使

青鳥書傳烏羊禮合繡繻甲帳同仙侶之新昏角枕
錦衾異空閨之獨旦魚育育而齊卿有室狐龐龐而
啓母成家良可幸也無何獸不比肩鳥難共命孤生
文梓莫成連理之枝不死菴菴徒作拔心之草斷腸
中夜弔影盛年宣尼致嘆於孤鶻陶氏傷情於寡鵠
聞泰山之哭語極酸辛聽都護之呼聲成嗚咽以此
言悲悲可知矣然而蘭以燒愈馥桐因爨彌珍人命
等輕塵妾心同古井瞻寒梅之積雪徵勁草於疾風
茹苦含酸而甘如飴蜜稟柔蘊粹而淨若冰霜是故

枝江縣志

卷之十九

列女志下

三十九

京城孀婦之遺男力移王屋宋國舍人之淑配事著
青陵其精誠足以泣鬼神其哀思自能感頑豔一往
而深乃至此乎嘗觀荆楚之邦頗沐河洲之化妹名
昇我知從一以終身妃諡貞姜矢靡他而之死枝邑
風承江汜地接漸臺由上明而下九十九洲所在叢
生苦竹自列國迄今二千餘載其間鬱茂貞松或畫
荻劬勞教垂慈母或摩笄引決烈甚丈夫亦有撤環
願效夫北宮倚柱託吟於漆室他如抱衾薄命風淒
關盼之樓奮袂捐生月冷綠珠之井凡此數者各有

孤衷合而一之俱堪千古藉苕華以爲字質本無瑕
購梨棗以鐫名身先化石然則行義之桓嫫不乏懷
清之巴婦匪遙白水澄鮮纖塵弗滓紫山突兀綽楔
齊高蠶獨繭以成絲憂自深於恤緯燕孤飛而繫縷
情難忘乎結褵正氣在兩間何怪城崩杞婦禮宗歸
列女可無傳述更生也哉